

آبونه شرائطی : هر ر ايجون  
سنه لکي (۴۰۰) آلتی ایلنی  
(۲۲۵) ، ممالك اجنیه ايجون  
سنه لکي (۴۵۰) ، آلتی آیلنی  
(۲۵۰) غروشدور.

نسخه سی ۷،۵ غروشدور .  
سنه لکي ۵۲ عددور .

اداره خانه : باب عالی جاده سنده  
رشید افندی خائنده

اخطارات  
آبونه بدلی پشیندر .

مسلكه موافق آثار مع المنونیه  
قبول اولنور . درج ایدله یین  
یازیر اعاده اولماز .

والله یهدی من یشاء الی صراط مستقیم

باش محرر  
محمد ماکف

صاحب و مدیر  
اشرف ادیب

اتبعون اهدکم سبیل الرشاد

# تذکره

آدره سی تبدیلینده آریجه  
غروش کوندرملیدر .

مکتوبلرک امضاری واضح  
واوقوناقلی اولسی و آبونه  
صره نومروسی محتوی  
بولونسی لازمدر

ممالك اجنیه ايجون آبونه  
اولانلرک آدرس لرینک  
فرانسزجه یازلمسی رجا اولنور .

پاره کوندردلیکی زمان نهیه  
داثر اولدینی بیلدیرلمسی  
رجا اولنور

طلبه مکتوبری :

استانبرلده سبیل الرشاد جریده اسمویمه

آقره ملقا دارالخلافه طلبه سی نامنه آلدینمز مکتوبدر :

توحید تدریسات مسئله سنک تطبیقنه باشلانیدنی کوندن بری تردد و حیرت ایچنده بولونیورز. نه یاپه جغمزی شاشیردق. طلبه نك بر قسمی تحصیللریك صارصیلمش اولماسندن پك متأثر بر حالد بولونیورلر. شیمدی بر قسمی، یعنی ابتدای خارج اوچدن آشاغیسی لیسنه نك بشنچی صنفه قبول ایتمك لطفی کوستریورلرکه بو صنف، ابتدای خارجك دکل، آنجق احضاریلرک برنجی صنفه مقابلدرد. ابتدای خارج، لیسنه نك یدنجی، سکزنجی صنفلرینه معادلدر. ابتدای داخل اوچی اکیال ایدنلرده الهیات کیره بیله جک. ابتدای داخل بر وایکنجی صنفلرده بولونانلر نه اوله جق؟ بونلر حقنده هیچ بر قرار یوق. بز علوم دینه تحصیل ایچون مدرسه لره انتساب ایتمشدک. شیمدی آنجق صوک صنفی اکیال ایدنلر الهیات کیره بیلمک صورتیله بو مسلك علمی تعقیب ایده بیله جکلر. دیگرلری ایچون بونکا امکان قالمایور.

بز توحید تدریساتك باشقه درلو اوله جغنی ظن ایدیوردق. مدرسه لرك پروغراپلری وتشکیلاتی بوزولدن، اولدینی کبی معارفه دوراولونه جق دییه بیلیوردق. یوقسه بز مدرسه لرمزك لغو اولونه جغه دائر مجلسده هیچ برسوز کچمه مشدی. شیمدی بر قسمی لیسنه قبول اولونیور. فقط لیسنه ده کی درس لر علوم دینه متخصصی یتیشدیرمک ایچون لازم کن معلومات احضاریه بی تأمین کافی اولمادینی معلومدر. ابتدای خارجدن لیسنه قبول اولونانلر لیسنه بی قبول ایدنجه الهیات شعبه سنه ناصیل کیره بیله جکلر؟ فرض ایده لم که لیسنه مآذونی دییه قبول ایدیلر جکلر. فقط عربجه بیلمدن، الهیات ایچون لازم کن مقدمات علوم دینه بی تحصیل ایتمدن الهیاتده کی یوکسک تدریساتی ناصل تعقیب ایده بیله جکلر؟ بو جهتلره بز عقلمز ایردیکی حالد اولیای امور افندیلرمزك عقللری ایرمه سی اوله ماز.

امام و خطیب مکتبی دییه یکی آچیلان مکتبلردن ده هنوز برشی آکلامادق. بورادن چیقانلر الهیات فاکولته سنه قبول اولونه جقلرمی؟ بو امام و خطیب مکتبی دیدکلری یکی مکتب ابتدائی درجه سنده می، یوقسه لیسنه درجه سنده می بر مکتبدر؟ بوده هنوز بللی دکل. یالکزر بللی اولان برشی وارسه اوده بز تحصیلمزك صارصیلمسیدر. بز بونده نه قصورمز واردی، بیلمه یورز. اکر بز درس لریزمه چالیشماهرق، تنبلك ایدرک بوش یر ملت و دولتک باره سنی هدایتسه یدک اووقت بز قولمزدن طوتوب طیشازی آنمق قدر حقلی برشی اولاما زدی. حال بوکه بز مدرسه ده بز کوستریلن درس لره صوک درجه بر

شوق وهوسله چالیشدق. علوم دینه ایله برابر علوم ریاضیه وطبیعه به عاند درس لره کوردک. حاصلی نه تدریس اولوندیسه هپسندن امتحان ویردک. ینده ویرمه به حاضرز. هانی، دیمک ایستز که تحصیل خصوصنده بر قصورمز، بر تنبلكمز یوقدر. شو حالد بز تحصیلمزك صارصیلمی موافق حق وعدالت اوله ماز. بز غایه مز علوم دینه تحصیل در، بناء علیه بونی حقیقه تأمین ایچون لازم کن اسبابه شیمدین توسل اولونمسی اولیای امور افندیلرمزدن رجا ایدرز. بز مرجعمزك شوو کالت، یا خود بو وکالت اولمسك بزجه اهمیت یوقدر. هپسی برذر. یالکزر بز علوم دینه تحصیل ایدرک اسلام طلی اولمق غایه مز تأمین ایدلمیدر.

بز استقبالمز آچیق بر صورتده کوره مه دیکمز ایچون تردد و اندیشه به دوشیورز. استقبالمز دائر اسکی خواجه افندیلرمز صوریورز. اونلرده صریح و قطعی برشی سویله به میورلر. نه یاپه جغمزی شاشیردق. اونک ایچون بومکتوبی یازیورز. بالطبع بز کبی ده بر جوق طلبه لر واردر. اونلرکده بو خصوصه نه دوشوندکلرینی آکلامق بز ایچون فائده لی اوله جقدرد.

کچنلرده آقره لیسنه بر تشبته بولوندی: تورکیا داخلنده کی بالعموم لیسنه لرك اون برنجی صنف طلبه سنک بوسنه مآذون عدایدیلرک اسکی نظامنامه موجبجه بلامتحان دارالفنونه قبوللری ایچون معارف وکالتدن مساعده ایسته دیلر. موفقده اولدیلر، ظن ایدرز. بزده استقبالمز حقنده معروضاتمزی اولیای امور افندیلرمز عرض ایدرک قبول ایدیلر جکنی شه سز عدایدرز. استقبالمز قطعی و واضح بر صورتده آکلاشیلمالی که راحت راحت درس لریزمه دوام ایده بیله لم...

## انحرول اجتماعی

بر قسم استانبول قاربشك ارتطاب استدیکی جرم اجتماعی

جلال اسعد بك «عصر یلشمك وفوقس تروت» سرلوحه سیله اقشام غزیه سنده شایان دقت بر مصاحبه نشرایتمش، استانبولده بو کونکی قادین سفاهتک بنیه اجتماعی مزیه نه صورتله صارصمقده اولدینی ایضاح ایتمشدر. بعض فقره لرینی عینا نقل ایدیورز:

«عصر یلشمك ایچون اوروپا نك «شیعی» کبی سنی، «تالفو» سنی، «فوقس تروت» فی زیتون برونی قبریقه سنه ماکنه آلیرکن آلدق، چالاق و دیشیلی ارککلکی دوغمه باشلادق. نه غریبدرکه اوروپا نك بوکی اذواقه طاند شیرینی آلفده کوستردیکمز عجله بی اوراده بوکی شیر یاننده انکشاف ایدن دیگر بیک درلو عواملده کوستره میورز.

بوکونکی فوقس تروت وشیعی ارککنجه وسفامتیه مشهور اولان لوی کتر زماننده بیله قبول ایدیلر بیلیر برشی دکلدی. بوکون اوروپا لیرک دانسی هیچ شه سز بز مکتبلردن ده آرز غیر اخلاقیدر. چونکه اونلر فوقس تروت